

www.BibleForChildren.org




Yóni 14



Ísu simásuwena simátimena séna kentirumbá íma
sáwí'a é'a íma anón-imayaa oró. Áánútuwe aráápamai
mé'a kesé aráápamai máéro. kentí imáyáa
Áánútumpa'a tuwé'a Áánútuna imáyáa é'a ánivo kesí
imáyáa oró.



kesivoná naaópa'a sáwíva'-maru'a kwéraiye. ímo
mirámó uráinkakai íma simátimusino. kemó iyúnda
kentí maru'á uto'mayaa umátinkanae'a iyúne.
usauwé'mae'o kuntí'mae'o íyónda kemó
máyaundara'a uménaaowe. mirá ona'á kesé
ménaaowe.



kemá Yóni kentuwáámá úne. keinárawate kesé
Ísumpa'a tarúmai mé'a keinárawate Áánútu
kwégawaaipa'a kesé mé'a keinárawate

umbai-yántáápímbá kesé asiramái mé'a
kwéamu'maraundayaawe.



Áánútun-aaí
simátime'a Ísu
siráin-ainkwar'a
simátimundarakemba
áwáá'a . . .



... kwésiyesa táto'mai sí'maesa
nonavuvumpa'-márává'á áwí'a Pá'móso-marava'a
másínkówa'a máyaawanana sontaará'á

Áánútun-amanko kempímbá
anómba umásinkowa'a



Áánútuna
imáyáawe su'mai
ówánana
kesínaaempakemba
avekáámbá . . .




. . . aaigó uwírenkaamba anónka'aséna
awánenda-yantaa'a aúváí-kwandaavimba
agaimaré túwénasa Ísóigona kwaási


avakaeté-naopa'a
máyaawai ísáaro.



avekáámbá Áánútun-amanko kempímbá anómba
umásinkowa'a awánaawanda kwíyómpa'a
kawááin-avama kwáyowana minká'á moóráwai
máywowa'a awánaawanda anekémbá sáma kwégowana
taayáná-kwisiyani'a kwéuwana naaerírí'a
kwéuwana minávárá'á
osámbá
taayáná-kwisiyani'a
umái
úkúraa'namankowana
kawááiwai
máin-ayampa'a
avumpimbá . . .



. . . kwáyowasamoóra-kwaai aiyayaan-umai
éiyain-kwaasi kawááuwaiti avamá úkúmarena
kwáyowasa minká'á moóra-kwaai aiyayaan-umai
éiyain-kwaasi anón-kwaasi mésa kwayán-únánkwátói
úmaresa mésa anón-kwaasiti kánumo'a
óntanko áwí'a kórinei
úmakaan-kanumo'a
ti'nómpímbá
umásokaawe.



minkákémbá kwíyómpakewaiye marapákéwáiyé
kwaántái marupákéwáiyé uwí-nómpínkéwáiyé
maarán-ímá sésa kawááin-avara'a
máyaiwaine sipisípi-araakaawai
kentáásí sáwí-meyambo
mairáiwaine túwí'a mósá maréta
túwí'a anómban-iye kwésunanaya
kentí
ó'oran-aaimba
kwaíkwai'a . . .




. . . ínana kentí asirayámbá kwaíkwai'a íníye kwésesa
mirán-ímá suwa'á isááwánasa minéiyáímbó
túvamaimo máyówai sésa
árair-aimban-iye suwasá
minánón-kwáásíyómbá
aísamaivimba kívairesa kwená
imáyáa ésa áwí'a
mósá makáawe.




minkákémbá awánaawanda marawé kwíyóm-barure
ánásaguwana aúná-marawe aúná-kwiyom-barure
kwáyowana marará'á uwí-nómbá íma kwáyowa'a
awánaawanda aúná-nao'a kawe'-náór-úramba
kwíyómpa'a paárurena Áánútunopakemba kuména


Yérúsaremu-
naopakaa-
dao'a úmbanivo
aúná-nao'a úwana
aúwininko
aúná-unankwatoi
konaarirí úmarenamo
awaikónópa'o
kwintembá mindáó'a
konaarirí úmakowana . . .




. . . kawááin-avarakemba moóráwai anónka'a séna
ívé'a Áánútumo ménimba kwaásivimba ména miwísé
máayainasa miwí kwená kwaási-i'a íyana miwísé ména
íma tiyuwéna miwí ti'numá uwátiyuwainana
ááéraan-tantaa'a amápa'a ánásasuwainasa pósa íma
puwésa íma
toikampóí'a
ésa íma ivi'á
tésa íma tí'a éna
mirá íníye siráíye.




minkákémbá kwíyómpaken-kwayo'nako moórá-nomba
agaráásinkowana mindómbá ságayan-domba úwasa
kwaási nésa maí'mai'a ónááon-domba Áánútuwe
kentáásí sáwí-meyamba mairáiwaintei avarákémbá
kwégumumba mindáókona aampimbá kwégumuwana
évarevar-awampa'a taaimá kwéna arambá irówana
kwaási nésa maí'mai'a ónááon-taeramba
moórá-kwiyontavai . . .




. . . moórá-kwiyontavai arambá imaé kwéiyena úwana
mintáyánama amápa-kwaasi kwénewana íma tí'a éna
ánásainanaÁánútumo sáwí'a kwéovo túwáaro
sínda-yantaa'a íma kwáyainana Áánútuwe kentáásí
sáwí-meyamba mairáiwaintei avamá kwáyainasa
kwená kwayó-kwáásí kwená imáyáa mósá
marésakwenói'a awánésa kwenáwí'a túwayaanka'a . . .




. . . agaimaráíyanano'wáámba íma ínana aa'á íma
káínana Ísóigo Áánútu sáma kwégamatinkainasa pósa
oómbá íma kúra'mare maésa kawáá-máyái maimaésa
kwéiyesa ménaaowe.



ságayani'a úwana Ísóigo Áánútu
amápar-asirayankwarawaiye kentáásí sáwí-meyamba
mairáiwaiye máyóyana póna mono'-námbá íma
kwáyowa'a awánaawanamindáópa'a Áánútuna
ságayanko sáma kwégamatinkowana kentáásí . . .



. . . sáwí-meyamba mairáiwai mirá kwéuwana póna
aaváúmá kwíyómba mindáópa'a íma kwáyowa'a
awánaawananamindáópa'o sámo kwégamatinkaiwai
amápa'-maravaken-kwaasi sáma kamátinkainasa
amápa'-maravaken-kawaa-kwaasi túwí'o kwéiyiwai
mindáópa'a komáyaiyana mindáópa'a. . .




. . . no'wááni'a íma ínasa pósa iír-óntámá íma úmaresa
úwoi tisuwéwana kwáyainasaamápa'-maravaken-kwaasi
túwí'o kwéiyiwai miwítí
kawe-tántáá'á maimaésa
mindáópa'a komáyaiyana
mindáópa'a
sáwí-yantaa'a
íma kwáyainasa
sáwí'a kwéiyawaiye
kampar-áimbá . . .




. . . kwésiyawaiye íma komáiyasa kentáásí
sáwí-meyamba mairáiwaina aúváí-kwandaavimba
aúnái'a umái maí'maí'a
ónááowai túwí'a
agaimakáinda-kwaasiye
su'mai mindáópa'a
koménaaowe.




minkákémbá awánaawanda kawááin-avama anómba
kwayá-ávámá kwáyowana moóráwai minká'á
máýowana kwenópakemba maramá kwíyóm-baru'a
taaínkaar-uréna aúyokuwa'a awánaawanda
pukáan-kwaasi anón-kwaasiye úwoi-kwaasiye
kawááin-avaona aúrampa'a máyówana
Áánútu aúváí-kwandaaiyomba
awaséna moóra-kwandaaiyimba
kwaási aúnái'o
umáímo maí'mai'a
ónááowai túwí'a
kwáyowana
évaka-kwandaaiyimba
kwaási marapá'ó
uráan-aimba
kwáyowana . . .




. . . Áánútu mináúváí awánéna miwítí ááimba tísa
umai kwéisena aaivimbá maitínkaraiye.
kwaási aúnái'a umái maí'mai'a ónááowai túwí'a
agaimakón-kwandaaivimba ímo túwí'o agaimakówai
Áánútu sáwí-marupa'a iramá káma-kama
kwéum-barupa'a timéntayuwowasa
kwaántái maru'á ánásowasa kwaási
íma ókwara'a púwúwa'a
awánaraumne.



súwasa Áánútun-amankoe kentáásí sáwí-meyamba
mairáiwaina aúná-ininkaani'o on-kwáásiyé sésa
Áánútunopa'a teró kwésiyasa mináimbá kwéisaawai
Áánútunopa'a teró sénááowe.



nontávái táái kwétinkaindawai Áánútunopa'a teró.
Áánútunopa'a kónáe síyawai tíyana Áánútu maí'maí'a
ónááon-domba úwoi timínasa nésa maí'maí'a ónááowe.



Áánútu marapá'á máyáan-kwaasiyavena
ávaáraumai aruntávéna éna póna
kwenáánimba kímborawaimba
ai'marówana kunkáimba
pósa . . .



. . . kwenááiyavesamo áraire síyawaima
kwaási máyáawaina ááimba Áánútuna
némpa'a íma maí'mai'a ónááovo
kwená egwaa'á aúnái'a umái
maí'mai'a ónááowe.`



Árómaa 3:23

amáparawai sáwí'a ésa Áánútumbo arááimo kwétaini'o
umáímo ménaesamo ombá ívé'a íma miráumai
máyaawana póna Áánútu úwoi túwa'naa ena arumbá
umátínkáísana Ísu Káráísiti miwítí sáwí-imayaagomo
tátokaimpinkembo iyátinkena Áánútu aúranka'a arupí
umátinkanintavena pukáiyé.

Árómaa 6:23

sáwí'o kwéom-bayaigona anondá puwónááombanivo
Áánútu kentáásí Ísóigo Ísu Káráísitina mayáí imáyáa éna
aúnáitaamo umáíya maí'mai'o ónaunda-ita
kwéumasinkaiyé.

Ípíru 9:27

kentáásí kanaamó tínataamo puwónaundaya kesáámó
máyaundawaina ááintavenaya sísaá íníntaawe.



Évésasi 2:8,9

Áánútu úwoi túwa'naa úwa'a kwenááiyave'a áraire suwaná sáwí-imayao tátokaimpinkemba iyátinkena kawer-ámpá'á métínkaraiye. íma kentí imáyáavinkemba kwenááiyave'a áraire siráavo Áánútuma imáyáa timúwa'a áraire siráawe. túma maé iyésa sésa kawé'á kwéunda póta kawer-ámpátá kwégune sevó séna íma kawé'-máyáígóná meéyámbán-ivo

Áánútu úwoi túwa'naa enayavena sáwí-imayao tátokaimpinkemba iyátinkena kawer-ámpá'á métínkaraiye.



Árómaa 10:9,10

mináimbá maarán-áimbán-iye. Ísu kentáásí Ísóigoman-iye
avora'ó simátime'o kentirunkákémbó sé'o Ísu
pukáimpinkemba Áánútu usásinankaraiyemo síyanamo
éna sáwí'o umáímo máyáampinkemba Áánútu
iyátinkaniye. Áánútun-aaiyaveta kesirumpintá áraire
kwésundaya kwenaúranka'a arupíya kwéumasinkaintaawe.
avora'ó mináimbó kwésimatimundaya sáwí'o umáíyaamo
máyaundavinkenta kwéiyasinkaiye.



Yóni 3:16,17

Áánútu marapá'á máyáan-kwaasiyavena ávááraumai
aruntávéna éna póna kwenáánimba kímborawaimba
ai'marówana kunkáimba pósa kwenááiyavesamo áraire
síyawaima kwaási máyáawaina ááimba Áánútuna némpa'a
íma maí'mai'a ónááovo kwená egwaa'á aúnái'a umái
maí'mai'a ónááowe. marapá-kwáásí aavimbá maitinkaaó
séna Áánútu ááninkomba íma ai'marówana kunkáivo
marapá-kwáásí sáwí-imayaavimba máyáawima kuntí'mai
kawer-ámpá'á métinkao séna Áánútu ááninkomba
ai'marówana kunkáiyé.



1 Yóni 5:11-13

Áánútu ááninkoma aúnái'a umái maí'mai'a kwéowaina ááimban-iye. Áánútu imáyáaya símísata aúnái'a umái maí'mai'a kwéundayaawe. mináintá Áánútu simásímakaiye. Áánútu ááninkoe tarúmai máyáawai aúnái'a umái maí'mai'a kwéovo Áánútu ááninkoe íma tarúmai máyáawai íma aúnái'a umái maí'mai'a kwéowe. Áánútu ááninkontave'a asiramái agevamái máyáan-kwaasi keinárawa'a maanáúvái agaimái timúne. aúnái'a umái maí'mai'a kwéon-aintave'a áraire sígwáe sé'a maanáúvái agaimái timúne.



Yóni 14; 2 Kórinti 5; paárurain-kwasai 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Kosena NT (kze) © 1980, Wycliffe Bible Translators, Inc.
All rights reserved.

<https://live.bible.is/bible/KZEWBT/MAT/1>

©2026 Bible for Children, Inc.

www.M1914.org

www.bibleforchildren.org

